

受姓之原

按吾族自因封受姓，以上溯源於夏，历来旧谱载之详矣。此处旧谱原有一百五十三字，祥叙得姓源流，今以上二十二字代之。自越无疆之子名蹄，封於乌程欧馀山之阳，为欧阳亭侯。欧馀山旧属会稽今之浙江湖州府乌程县是也。山在县之东二十里，山之南即亭侯所居。其址尚存，犹可睹指，同时受封者，今其地犹或社之封，历有年秦王翦平百越，为会稽郡。未几，项籍起兵，干戈扰乱，而馀山无宁地矣。蹄受封子孙，代以欧阳为姓，自别於越。蹄生恒，恒生朝，朝生完子，旧谱载于今依石旗谱易子。完子生东，东生谟，谟生摇，皆相继为亭侯，而欧阳氏遂不易焉。旧谱五世之後，缺讳者，补之东越王摇，当秦二世之乱，佐诸侯平秦。汉高祖既有天下，渡江赏功，以摇王越东。後，惠帝二年始封摇为越王，都东瓯，使奉越。後，又号东越王。摇之後仕汉。初拜散骑都尉兼涿郡太守，即今幽州范阳是也。子孙族属遂留家於北。一居青州之千乘，一居冀州之渤海，从此分为二派焉。